

Nedeljko Jurkić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Nedeljko Jurkić
Naziv Teme	Izazovi socijalnog rada sa porodicama nestalih osoba
Rezime/Abstract	<p>Istraživanje na temu „Izazovi socijalnog rada sa porodicama nestalih osoba“ je imalo za cilj istražiti, analizirati i utvrditi ulogu, mogućnosti i izazove socijalnog rada rada sa porodicama nestalih osoba, analiziranjem usluga koje profesija socijalnog rada pruža porodicama nestalih osoba u smislu kvantiteta, iz ugla vladinog i nevladinog sektora, i kvaliteta, iz ugla lica članova porodica nestalih osoba. Istraživanje je također bilo usmjereni na utvrđivanje značaja asistencije koju nevladin sektor pruža vladinom sektoru u svim sferama pomoći porodicama nestalih osoba lojevima sprečavanja prosaćenja. Akcenat je stavljen na značaj razumijevanja ove osjetljive skupine porodica i mogućnosti socijalnog djelovanja u pravcu rješavanja problema, balagovremenog i javnog informisanja javnosti o rješavanju problematike jedne od najranjivije kategorije našeg društva. Empirijski dio istraživanja je proveden na području regije Sjeveroistočne Bosne (u Federaciji Bosne i Hercegovine: Grad Tuzla, Živinice, Srebrenik i Sapna, a u Republici Srpskoj: Srebrenica, Milići, Zvornik, Vlasenica i Bratunac). Vremenski period za realizaciju ovog istraživanja odnosio se na period od avgusta 2018. godine do januara 2019. godine. Istraživanje je interdisciplinarnog karaktera u okviru nauke o socijalnom radu i socijalne politike. U procesu istraživanja su primjenjivane osnovne metode kao što su: analiza, sinteza, apstrakcija i specifikacija. Uzorak ispitanika su činili stručni radnici (socijalni radnici, psiholozi, psiholozi - pedagozi, pedagozi, defektolozi, pravnici) u ustanovama i institucijama koje su uključene u rad sa porodicama nestalih osoba, zatim u neprofitnim/nevladnim i privatnim organizacijama koje svojim aktivnostima rade sa porodicama nestalih osoba na području regije Sjeveroistočne Bosne (6 centara za socijalni rad; Služba za boračko-invalidsku zaštitu, stambene poslove i integraciju raseljenih lica, Grada Tuzle; Međunarodna komisija za nestale osobe Bosne i Hercegovine, Tuzla; 10 nevladinih organizacija: "Vive Žene", Tuzla "Snaga Žene", Tuzla, Udruženje "Žene Srebrenice" Tuzla, Udruženje porodica zarobljenih i nestalih osoba općine Zvornik, Udruženje žrtava i svjedoka genocida Srebrenica, Udruženje majke Srebrenice, Regionalno udruženje nestalih boraca i civila Semerije i Majevice, Udruženje stradalih Zvorničana, Udruženje „Porodice žrtava rata Vlasenica 1992-1995“, Udruženje „Žena Podrinja“ Bratunac). Za uzorak je korišten stratifikovani uzorak vodeći računa o proporcionalnoj i teritorijalnoj zastupljenosti ustanova, nevladinih organizacija i porodica. Vladin sektor - 25 ispitanika, Nevladin sektor - 10 ispitanika i porodice nestalih osoba - 100 porodica. Rezultati istraživanja su pokazali da je nevladin sektor snažna karika u lancu psihosocijalne i druge pomoći porodicama nestalih osoba koja se vladinom sektoru nametnula kao „servis provajder“, na čiju podršku vladin sektor računa i značajno se oslanja. Međutim, finansiranje aktivnosti pomoći porodicama nestalih osoba koje provodi nevladin sektor prisilno je u potpunosti orientiran prema donatorima izvan granica Bosne i Hercegovine, koji svakog trenutka mogu uticati na promjenu strateških pravaca njihovog djelovanja. Kada govorimo o porodicama nestalih osoba, istraživanje je pokazalo da socijalni rad sa porodicama nestalih osoba u poslijeratnom periodu se bazirao na pružanje pomoći socijalno ugroženim ženama i njihovim porodicama, savjetovanje i edukaciju, kao i direktnu asistenciju pri prikupljanju dokumentacije za ostvarivanje prava na porodičnu i invalidsku penziju, pravo na povrat i korištenje imovine, kao i drugih prava iz oblasti socijalne zaštite. Većinu navedenih aktivnosti su provodile nevladine organizacije.</p>
Datum	17.04.2019
Predsjednik	Dr.sc. Nijaz Karić, redovni profesor, izabran na užu naučnu oblast „Socijalni rad i socijalna politika“ na Filozofskom fakultetu Univerzitata u Tuzli
Mentor	Dr.sc. Hariz Šarić, redovni profesor, izabran na užu naučnu oblast „Socijalni rad i socijalna politika“ na Filozofskom fakultetu Univerzitata u Tuzli
Član komisije	Dr.sc. Erna Lučić, docent, izabrana na užu naučnu oblast „Teorija i metodologija socijalnog rada“ na Filozofskom fakultetu Univerzitata u Tuzli
Član komisije	-
Član komisije	-
Zamjenski član	Dr sc. Asim Pandžić, vanredni profesor izabran za užu naučnu oblast „Socijalni rad i socijalna politika,“ na Filozofskom fakultetu Univerziteta u Tuzli
Dodatni detalji i lokacija	Javna odbrana završnog magistarskog rada obavit će se 17.04.2019. u 12:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je sloboden. Rad se može pogledati u Sekretarijatu fakulteta radnim danom od 08 do 14 sati.